

# საქართველოს მთავრობის

დადგენილება №165

2005 წლის 23 სექტემბერი

ქ. თბილისი

## ჩვილ ბავშვთა კვების პროდუქტების წარმოება-დაფასებისა და ბავშვთა კვების პროდუქტების წარმოება-დაფასების ლიცენზიების გაცემის წესისა და პირობების შესახებ დებულების დამტკიცების თაობაზე

1. „ლიცენზიებისა და ნებართვების შესახებ“ საქართველოს კანონის მე-40 მუხლის პირველი პუნქტის შესაბამისად, დამტკიცდეს „ჩვილ ბავშვთა კვების პროდუქტების წარმოება-დაფასებისა და ბავშვთა კვების პროდუქტების წარმოება-დაფასების ლიცენზიების გაცემის წესისა და პირობების შესახებ“ თანდართული დებულება.

2. დადგენილება ამოქმედდეს გამოქვეყნებისთანავე.

**პრემიერ-მინისტრი ზ. ნოღაიდელი**

### შეტანილი ცვლილებები:

1. საქართველოს მთავრობის 2006 წლის 18 იანვრის დადგენილება №10 - სსმ III, №8, 23.01.2006 წ., მუხ.65

2. საქართველოს მთავრობის 2006 წლის 31 მაისის დადგენილება №102 - სსმ III, №73, 01.06.2006 წ., მუხ.913

## დ ე ბ უ ლ ე ბ ა

## ჩვილ ბავშვთა კვების პროდუქტების წარმოება-დაფასებისა და ბავშვთა კვების პროდუქტების წარმოება-დაფასების ლიცენზიების გაცემის წესისა და პირობების შესახებ

### მუხლი 1. დებულების მიზანი და რეგულირების სფერო

ეს დებულება შემუშავებულია „ლიცენზიებისა და ნებართვების შესახებ“ საქართველოს კანონის საფუძველზე, რომელიც არეგულირებს ჩვილ ბავშვთა კვების პროდუქტების წარმოება-დაფასებისა და ბავშვთა კვების პროდუქტების წარმოება-დაფასების ლიცენზიების გაცემის წესსა და პირობებს „ლიცენზიებისა და ნებართვების შესახებ“ საქართველოს კანონის ამოქმედებასთან დაკავშირებულ გარდამავალ პერიოდში.

### მუხლი 2. ლიცენზიის გამცემი ადმინისტრაციული ორგანო

ჩვილ ბავშვთა კვების პროდუქტების წარმოება-დაფასებისა და ბავშვთა კვების პროდუქტების წარმოება-დაფასების ლიცენზიის გამცემი ადმინისტრაციული ორგანოა საქართველოს სოფლის მეურნეობის სამინისტრო (შემდგომში – სამინისტრო).

*საქართველოს მთავრობის 2006 წლის 18 იანვრის დადგენილება №10 - სსმ III, №8, 23.01.2006 წ., მუხ.65*

*საქართველოს მთავრობის 2006 წლის 31 მაისის დადგენილება №102 - სსმ III, №73, 01.06.2006 წ., მუხ.913*

### **მუხლი 3. ლიცენზიის გაცემის წესი**

„ლიცენზიებისა და ნებართვების შესახებ“ საქართველოს კანონის მე-6 მუხლის პირველი პუნქტით გათვალისწინებული ჩვილ ბავშვთა კვების პროდუქტების წარმოებადაფასოების ლიცენზია გაიცემა საჯარო ადმინისტრაციული წარმოების წესით, რომლის ვადა სამინისტრომ შეიძლება გააგრძელოს 3 თვემდე.

*საქართველოს მთავრობის 2006 წლის 18 იანვრის დადგენილება №10 - სსმ III, №8, 23.01.2006 წ., მუხ.65*

*საქართველოს მთავრობის 2006 წლის 31 მაისის დადგენილება №102 - სსმ III, №73, 01.06.2006 წ., მუხ.913*

### **მუხლი 4. სალიცენზიო პირობები და ლიცენზიის მისაღებად წარსადგენი დამატებითი დოკუმენტები**

1. ჩვილ ბავშვთა კვების პროდუქტების წარმოება-დაფასოების ან/და ბავშვთა კვების პროდუქტების წარმოება-დაფასოების ლიცენზიის მამიებელმა ლიცენზიის მისაღებად „ლიცენზიებისა და ნებართვების შესახებ“ საქართველოს კანონის მე-9 მუხლით განსაზღვრულ დოკუმენტაციასთან ერთად სამინისტროს დამატებით უნდა წარუდგინოს:

- ა) საწარმოო ობიექტის ფლობის დამადასტურებელი დოკუმენტი;
- ბ) ინფორმაცია წარმოების მატერიალურ-ტექნიკური ბაზის შესახებ;
- გ) ინფორმაცია მთლიანი შიდა საწარმოო პროცესებისათვის პასუხისმგებელი პირის შესახებ;
- დ) მოქმედი ნორმატივების შესაბამისად დამუშავებული ტექნოლოგიური ინსტრუქცია;
- ე) ინფორმაცია პროდუქციის უსაფრთხოების შიდა საწარმოო კონტროლის სისტემის შესახებ.

2. ამ მუხლის პირველი პუნქტის „გ“ ქვეპუნქტით გათვალისწინებული პასუხისმგებელი პირის შეცვლის შემთხვევაში ლიცენზიის მფლობელი ვალდებულია არა უგვიანეს 7 დღისა მიაწოდოს აღნიშნული ინფორმაცია ლიცენზიის გამცემს. ამ ვალდებულების შეუსრულებლობა სალიცენზიო პირობის დარღვევაა და გამოიწვევს „ლიცენზიებისა და ნებართვების შესახებ“ საქართველოს კანონით დადგენილ პასუხისმგებლობას.

3. ჩვილ ბავშვთა კვების პროდუქტების წარმოება-დაფასოების ან/და ბავშვთა კვების პროდუქტების წარმოება-დაფასოების ლიცენზიის მისაღებად საჭიროა ობიექტის სანიტარიულ-ჰიგიენურ მოთხოვნებთან შესაბამისობის დასკვნა, რომელსაც „ერთი სარკმლის“ პრინციპით მოიპოვებს სამინისტრო. ამასთან, აღნიშნული დასკვნის წარმოდგენის უფლება აქვს უშუალოდ ლიცენზიის მამიებელსაც.

4. სამინისტრო უფლებამოსილია შესაბამის სალიცენზიო პირობებში მითითებული მონაცემების სისწორე შეამოწმოს უშუალოდ, ადგილზე დათვალიერებით, რაზეც დგება შესაბამისი ოქმი. ოქმს ხელს აწერენ სამინისტროს წარმომადგენელი და ლიცენზიის მამიებელი. თუ ლიცენზიის მამიებელი უარს ამბობს ოქმის ხელმოწერაზე, ოქმში კეთდება სათანადო ჩანაწერი და ლიცენზიის მამიებელმა ოქმს უნდა დაურთოს ახსნა-განმარტება ან/და შენიშვნები ოქმის შინაარსთან დაკავშირებით, აგრეთვე მიუთითოს მის ხელმოწერაზე უარის თქმის მოტივები.

*საქართველოს მთავრობის 2006 წლის 18 იანვრის დადგენილება №10 - სსმ III, №8, 23.01.2006 წ., მუხ.65*

*საქართველოს მთავრობის 2006 წლის 31 მაისის დადგენილება №102 - სსმ III, №73, 01.06.2006 წ., მუხ.913*

### **მუხლი 5. სალიცენზიო მოწმობის ფორმა**

სალიცენზიო მოწმობის ფორმა განისაზღვრება საქართველოს სოფლის მეურნეობის მინისტრის ნორმატიული აქტით.

*საქართველოს მთავრობის 2006 წლის 31 მაისის დადგენილება №102 - სსმ III, №73, 01.06.2006 წ., მუხ.913*